

天麻 一錢

防風 一錢

川芎 七分

羌活 七分

人參 一錢

遠志 一錢

柏子仁 一錢

山藥 一錢

麥冬 一錢

棗仁 一兩

細辛 四分

南星曲 八分

石菖蒲 一錢

研細末煉蜜爲丸辰砂爲衣清湯下六

七十九

按本草載細辛辛散三錢煎湯服之卽殺人卽用四分

爲是

一本棗仁用一錢細辛用四分存參

類瘧 第十三

產後汗多卽變瘧者項強而身反氣息如絕宜速服加減

生化湯

加減生化湯

專治有汗變痙者

川芎 一錢

麻黃根 一錢

炙草 五分

羌活 五分

天麻 五分

附子 一錢

羚羊角 八分

當歸 四錢

桂枝 八分

人參 一錢

如無汗類痙者中風用川芎三錢當歸一兩酒洗棗仁

防風 俱無分量

一本引用生薑一片棗一枚

出汗 第十四

凡分娩時汗出由勞傷脾驚傷心恐傷肝也產婦多兼三



者而汗出不可卽用斂汗之劑神定而汗自止若血塊作痛芪朮未可遽加宜服生化湯二三帖以消塊痛隨繼服加參生化湯以止虛汗若分娩後倦甚澁澁然汗出形色又脫乃亡陽脫汗也汗本亡陽陽亡則陰隨之故又當從權速灌加參生化湯倍參以救危急毋拘塊痛婦人產多汗當健脾以斂水液之精益榮衛以噓血歸源灌漑四肢不使妄行雜症雖有自汗盜汗之分然當歸六黃湯不可治產後之盜汗也並宜服加參生化湯及加味補中益氣二方若服參芪而汗多不止及頭出汗而不至腰足必難療矣如汗出而手拭不及者不治產後汗出氣喘等症虛

之極也不受補者不治

麻黃根湯

治產後虛汗不止

人參二錢

當歸二錢

黃芪一錢半炙

白朮一錢炒

桂枝五分

麻黃根一錢

粉草五分炒

牡蠣研

浮麥一大撮

虛脫汗多手足冷加黑薑四分熟附子一片渴加麥冬

一錢五味十粒肥白人產後多汗加竹瀝一盞薑汁一

小匙以清痰火惡風寒加防風桂枝各五分血塊不落

加熟地三錢晚服八味地黃丸

山茱萸八錢

山藥八錢

丹皮八錢

雲苓八錢



澤瀉 五錢

熟地 八錢

五味子 五錢

炙黃芪 一兩

煉蜜爲丸陽加於陰則汗因而遇風變爲痲痺者有之

尤難治故汗多宜謹避風寒汗多小便不通乃亡津液

故也勿用利水藥

盜汗 第十五

產後睡中汗出醒來卽止猶盜賊人睡而謂之盜汗非汗

自至之比雜症論云自汗陽虧盜汗陰虛然當歸六黃湯

又非產後盜汗方也惟兼氣血而調治之乃爲得耳

止汗散

治產後盜汗

人參 二錢

當歸 二錢

熟地 一錢半

麻黃根 一分

黃連五分  
酒炒

浮小麥一大撮

棗一枚

又方

牡蠣五分  
煨細末

小麥麴炒黃研末

自一本牡蠣小麥炒黃各五分空心調服

口渴兼小便不利第十六

產後煩燥咽乾而渴兼小便不利由失血汗多所致治當助脾益肺升舉氣血則陰升陽降水入經而為血為液穀入胃而氣長脈行自然津液生而便調利矣若認口渴為火而用芩連梔柏以降之認小便不利為水滯而用五苓散以通之皆失治也必因其勞損而溫之益之因其留滯



而濡之行之則庶幾矣

生津止渴益水飲

人參 三錢

麥冬 三錢

當歸 三錢

生地 三錢

黃芪 一錢

葛根 一錢

升麻 四分

炙草 四分

茯苓 八分

五味子 十五粒

汗多加麻黃根一錢浮小麥一大撮大便燥加肉蓯蓉  
一錢五分渴甚加生脈散不可疑而不用

遺尿 第十七

子一片

氣血大虛不能約束宜八珍湯加升麻柴胡甚者加熟附



誤破尿胞 第十八

產理不順穩婆不精誤破尿胞膀胱者用參芪爲君歸芍  
爲臣桃仁陳皮茯苓爲佐猪羊尿胞煎藥百服乃安

胞破  
女科

下卷另有方  
極妥且效

又方云用生黃絲絹一尺白牡丹皮根爲末白芨末各二  
錢水二碗煮至絹爛如飴服之宜靜臥不可作聲名補脬  
飲神效

患淋 第十九 作痛曰淋

由產後虛弱熱客於脬中內虛頻數熱則小便淋澀

茅根湯

治產後冷熱淋並治之

石膏 一兩

白茅根 一兩

桃膠 一錢

滑石 一錢

人參 一錢

葵子 一錢

瞿麥 五錢

白茯苓 五錢

石首魚頭

四箇

燈心水煎入齒末空心服

一本小註載症由內虛方用石膏一兩無此治法不可

拘執成方以致誤人。一本石膏作一錢無

滑石

又方 治產後小便淋血

白茅根

瞿麥

葵子

車前子

通草

以上俱無分量

鯉魚齒

一百箇

水煎服亦入齒末

按齒疑均是鯉魚齒

便數

第二十

由腠內素有冷氣因產發動冷氣入腠故也用赤石脂二

文斗更方

卷下

誤破尿胞

患淋

便數

三



兩爲末空心服

又方治小便數及遺尿用益智仁二十八枚爲末米飲送下二錢

又桑螵散

桑螵蛸三十箇

人參三錢

黃芪三錢

鹿茸三錢

牡蠣三錢

赤石脂三錢

爲末空心服二錢米飲送

下

瀉第二十一

產後泄瀉非雜症有食泄濕泄水穀注下之論大率氣虛食積與濕也氣虛宜補食積宜消濕則宜燥然惡露未淨

遠難驟燥當先服生化湯二三帖化舊生新加茯苓以利  
水道俟血生然後補氣以消食燥濕以分利水道使無滯  
澀虛瀉之失若產旬日外方論雜症尤當論虛實而治也  
如痛下清水腹鳴米飲不化者以寒泄治如糞水黃赤肛  
門作痛以熱泄治之有因飲食過多傷脾成泄氣臭如敗  
卵以食積治之又有脾氣久虛少食食下卽鳴急盡下所  
食之物方覺快者以虛寒泄治之治法寒則溫之熱則清  
之脾傷食積分利健脾兼消補虛善爲調治無失也產後  
虛瀉眠昏人不識弱甚形脫危症必用人參二錢白朮茯  
苓各二錢附子一錢方能回生若脈浮弦按之不鼓卽爲

中寒此蓋陰先亡而陽欲去速宜大補氣血加附子黑薑

以回元陽萬勿忽視

加減生化湯

治產後塊未消患瀉症

川芎 二錢

茯苓 二錢

當歸 四錢

黑薑 五分

炙草 五分

桃仁 十粒

蓮子 八枚

水煎溫服

健脾利水生化痰湯

治產後塊已除患瀉症

川芎 一錢

茯苓 一錢

歸身 二錢

黑薑 四分

陳皮 五分

炙草 五分

人參 三錢

肉果 一箇

製

白朮

一錢  
土炒

澤瀉

八分

寒瀉加乾薑八分寒痛加砂仁炮薑各八分熱瀉加炒



黃連八分瀉水腹痛米飲不化加砂仁八分麥芽山查  
各一錢瀉有酸噯臭氣加神麴砂仁各八分脾氣久虛  
瀉出所食方快以虛寒論瀉水者加蒼朮一錢以燥濕  
脾氣弱元氣虛必須大補佐消食清熱却寒藥弱甚形  
色脫必須第一方參朮苓附必用之藥也諸瀉俱加升  
麻酒炒蓮子十粒

完穀不化

第二十二

因產後勞倦傷脾而運轉稽遲也名食泄又飲食太過脾  
胃受傷亦然俗呼水穀痢是也然產後三日內塊未消化  
此脾胃衰弱參芪朮不可遽加且服生化湯加益智香砂

少溫脾氣塊消後加參芪朮補氣肉果木香砂仁益智溫

胃升麻柴胡清胃氣澤瀉茯苓陳皮以利水為上策也

加味生化湯 治產後三日內完穀不化塊未消者

川芎 一錢 益智 一錢 當歸 四錢 黑薑 四分

炙草 四分 桃仁 十粒 茯苓 一錢 半

一本當歸作三錢有棗一枚

參苓生化湯 治產後三日內塊已消穀不化胎前素弱患此症者

川芎 一錢 當歸 二錢 黑薑 四分 炙草 五分

人參 二錢 茯苓 一錢 白芍 一錢 炒 益智 一錢 炒

白朮 二錢 炒 肉果 一箇 製



瀉水多加澤瀉木通各八分腹痛加砂仁八分渴加麥  
冬五味子寒瀉加黑薑一錢木香四分食積加神麴麥  
芽消飯麴砂仁山查消肉食產後瀉痢日久胃氣虛弱  
完穀不化宜溫助胃氣六君子湯加木香四分肉果一  
箇製

一本有蓮子八枚去心棗一枚

痢 第二十三

產後七日內外患赤白痢裏急後重頻併最爲難治欲調  
氣行血而推蕩痢邪猶患產後元氣虛弱欲滋榮養氣而  
大補虛弱又助痢之邪惟生化湯減乾薑而代以木香荻

女科良方 卷一  
苓則善消惡露而兼治痢疾並行而不相悖也再服香連  
丸以俟一二日後病勢如減可保無虞若產七日外有患  
褐花色後重頻併虛痢卽當加補無疑若產婦稟厚產期  
已經二十餘日宜服生化湯加連苓厚朴芍藥行積之劑  
一本作十數日加減生化湯治產後七日內患痢

川芎 二錢

當歸 五錢

炙草 五分

桃仁 十二粒

茯苓 一錢

陳皮 四分

木香 三分  
磨

紅痢腹痛加砂仁八分

青血丸 治禁口痢

香連爲末加蓮肉粉各一兩半和勻爲丸酒送下四錢

凡產三四日後塊散痢疾少減共十症開後依治

一產後久瀉

元氣下陷大便不禁肛門如脫宜服六君子湯加木香四分肉果一箇製薑汁五分

二產後瀉痢

色黃乃脾土真氣虛損宜服補中益氣湯加木香肉

果

三產後傷麪食

瀉痢宜服生化湯加神麪麥芽

一本神麪麥芽各作一錢

四產後傷肉食

